

Besplatna obuka za mlade u okviru Regionalnog programa lokalne demokratije na Zapadnom Balkanu

Regionalni program lokalne demokratije na Zapadnom Balkanu, koji finansira Evropska unija (EU), a realizuje Razvojni program Ujedinjenih nacija (UNDP), poziva mlade osobe na besplatni program neformalnog obrazovanja iz oblasti *Digitalnog marketinga (META certifikat)*.

Pravo učešća

U obuci mogu učestvovati mlade osobe uzrasta od 18 do 30 godina koje su u potrazi za poslovnim prilikama, a koje imaju dolje u tekstu navedeni status. Prednost u svakoj od kategorija će imati osobe sa invaliditetom.

- Prebivalište na području jednog od 13 partnerskih gradova/opština ReLOaD2 projekta: Bihać, Centar Sarajevo, Gacko, Goražde, Grad Istočno Sarajevo, Gradiška, Mostar, Novo Sarajevo, Prijedor, Prozor-Rama, Rudo, Ugljevik i Vitez (dokaz: potvrda o prebivalištu)
- Nezaposlene mlade osobe (dokaz: potvrda sa evidencije Zavoda/uvjerenje poreske uprave o doprinosima)
- Studenti (dokaz: potvrda o studiranju)

U slučaju nedovoljnog broja prijava ReLOaD2 projekat će uzeti u obzir kandidate do navršenih 35 godina kao i zaposlene mlade osobe.

Obuka iz oblasti *Digitalnog marketinga (META certifikat)*

Uz mentorstvo iskusnog stručnjaka, polaznici ove obuke će kroz napredan i dinamičan program istražiti svijet digitalnog marketinga i oglašavanja, te steći besplatan certifikat Meta Blueprint Academy (Meta Certified Digital Marketing Associate). Program će im omogućiti sticanje ključnih vještina i znanja o Meta platformama poput Fejsbuka, Instagrama i drugih. Mentor će davati praktične zadatke kako bi polaznici savladali ne samo teoriju već i praktične aspekte digitalnog marketinga. Pored toga, učesnici će savladati osnovne vještine potrebne za upravljanje društvenim mrežama i kreiranje učinkovitih oglasa. Pored grupnih časova, predviđena je i podrška jedan na jedan tokom svih faza obuke, gdje će učesnici imati svu pažnju i dobiti savjete prilagođene njihovim potrebama. Učesnici će, pored korisnih savjeta, dobiti i konstruktivne povratne informacije, čime će biti osposobljeni da uspješno polože certifikaciju.

Saznajte više na: [Meta Certified Digital Marketing Associate](#)

Obuka je namijenjena mladima koji žele da prošire već postojeće znanje, nauče nešto potpuno novo ili promijene svoju karijeru.

Dodatne informacije

Trajanje obuke: šest sedmica (jul–avgust)

Format izvođenja obuke: onlajn, triput sedmično

Planirani broj učesnika: 20 mladih osoba

Važna napomena

U slučaju velikog broja prijavljenih ReLOaD2 projekat će obaviti intervju sa prijavljenim kandidatima.

Prednost prilikom izbora učesnika imaju nezaposlene mlade osobe koje se vode na evidenciji službi/Zavoda za zapošljavanje a nakon toga studenti.

Način prijave

Polaznici se prijavljuju putem [ONLINE FORMATA](#)

Uz popunjavanje onlajn formata neophodno je priložiti sljedeće dokumente:

- potvrdu o evidenciji koju izdaje Zavod/služba za nezaposlene (za nezaposlene osobe);
- potvrdu o studiranju (za studente);
- potvrdu o prebivalištu (CIPS; za sve koji se prijavljuju).

Ovaj poziv ostaje otvoren najkasnije do **10. jula 2024. g. do 17 č.**

Nakon što se provede konkursna procedura (koja može uključivati intervju) odabrani kandidati će dobiti obavještenje putem imejla sa detaljnim informacijama.

Za sva dodatna pitanja pošaljite imejl na registry.ba@undp.org sa naznakom – Besplatne certificirane obuke ReLoad2 projekat.